

## Mavhiki yanharhu yo fayila hi ndlela ya xieλεκitironiki eka vahakelaxibalo lava nga ri ki va nkarhinyana

Pretoria, ti 13 Hukuri 2019 – Nguva ya Xibalo ya vahakelaxibalo hi voxe lava lavaka ku fayila erhavini yi pfarile hi ti 31 Nhlangua 2019. SARS yi tsakela ku khensa vahakelaxibalo eka mirhumelo ya vona ku fikela sweswi naswona yi hlohloteriwa hi 3 882 111 wa mitlheriso ya xibalo xa malinghena ya vanhu hi voxe leyi fayiriweke eka pulatifomo ya xidijiti ku katsa na le rhavini. Mitlheriso leyi yi katsa mirhumelo eka lembe leri na leri nga hundza hamambirhi.

Fayila ntlheriso wa xibalo eka pulatifomo yin'wana na yin'wana ya xidijiti, ku nga, tipulatifomo ta SARS MobiApp na eFiling eka vahakelaxibalo lava nga ri ki va nkarhinyana swi ta ta pfala hi ti 04 N'wendzambahala. Leswi swi nyika vahakelaxibalo lava fayilaka hi ndlela ya xieλεκitironiki mavhiki yanharhu yo engetelela. Vahakelaxibalo va nkarhinyana va na ku fikela ti 31 Sunguti eka eFiling.

Ku fayila ka xidijiti ka ha kona, SARS yi langutele mitlheriso leyi kayiveleke leyi pimanyetiweke eka 1 744 535 leyi ya ha lavaka ku rhumeriwa ku sukela hi ti 8 Hukuri 2019 hi ku tirhisa tichanele leti. SARS yi lava ku tsundzuxa vahakelaxibalo lava ha lavaka ku fayila, leswaku Nguva ya Xibalo ya 2019 yi tumbuluxiwile leswaku yi endla ku fayila ntlheriso swi olova.

Vahakelaxibalo va komberiwa ku tirhisa nkarhi na nseketelo leswi nga kona ku nga si fika ti 04 N'wendzambahala, na contact centre leyi tirhaka exikarhi ka 08:00 na 18:00 hi ti 25 – 29 Hukuri, na le xikarhi ka 08:00 na 13:00 hi Mugqivela, ti 30 Hukuri.

Loko nkarhi wo engetelela wo fayila hi xieλεκitironiki wu nga tirhisiwi, mixupulo ya mafambiselo yi ta hakerisiwa n'hweti yin'wana na yin'wana leyi ntlheriso wu nga kayivela. Mpfumaleko wo fayila mitlheriso i nandzu wa vugevenga.

Vahakelaxibalo lava nga na mitlheriso leyi kayiveleke va nga kopa eka SARS MobiApp ku suka eka Playstore kumbe Appstore no endla swiendlo leswi landzelaka hi ku olova:

1. Titsarisela SARS eFiling,
2. Rhumela ntlheriso,
3. Tirhisa khamera ya foni na ku nghenisa tidokhumente to seketela,
4. Kuma vito ra mutirhisi kumbe ku lulamisa hi vuntshwa phasiwedi ya vona no
5. Langutisa Xitiviso xa Nhlelelo (ITA34), exikarhi ka byin'wanana.
6. Kombela ku beriwa riqingho endzhaku ku kuma mpfuneto wo suka eka ejente ya xibalo ya SARS.

SARS yi tlhele yi nyika eFiling mpfluxeto lowukulu ku endla leswaku ntluto wu olova swinene.

Vahakelaxibalo lava fikelelaka swiyimo hinkwaswo leswi landzelaka a va fanelangi ku rhumela mitlheriso:

1. Malinghena ya vona hinkwayo ya ntholo ku nga si susiwa xibalo a yi hundzi R500 000
2. Va kuma ntsena malinghena ya ntholo ku suka eka MUTHORI U'NWE eka lembexibalo ro helela.
3. A va na xivumbeko xin'wana xa MALINGHENA (xik. nxengetelo wa movha, malinghena ya bindzu, na malinghena ya rhente, ntswalo lowu hakerisiwaka xibalo kumbe malinghena ku suka eka ntirho wun'wana)
4. A va na misuso yin'wana yo engetelelela leyi yelanaka na misuso ya xibalo leyi faneleke ku koxiwa (xik. tihakelo ta swa vutshunguri, tihakelo ta rhithayamente anyuwithi na tihakelo ta swa marendzo).

Loko vahakelaxibalo va endzela rhavi va ri na xivutiso xa ntlheriso wa xibalo xa malinghena wa munhu hi yexe, va ta pfuniwa hi ku fayila hi voxo hi ku tirhisa tipulatifomo ta MobiApp kumbe eFiling. Vahakelaxibalo lava nga na tisimatifoni va ta fanela ku kopa SARS MobiApp loko va nga se ya emahlweni no fayila.